

一禁諸色人等不許害朝 覲官并與京官交

道作弊

上書陳言

一申明詔書條例

一京官公差在外過有緊急密切事情許寫題本例

一非言路違言沽名事聽通政司六科叅駁究治例

一奏革初軍在逃等件重覆不便事件

一南京刑部都察院係審叅官并急緊重務許寫題本例

一斟酌條例

一法司會議條例務要斟酌精當奏 請

一在京各衙門印信題奏并公議事件照舊封進其餘事

情俱送通政司封進

一通傳朝報例

禁止迎送

一驛遞衙門不許妄差大馬公差官員不許索人遠接

一禁約迎送跪拜

各處龍亭儀仗務要鮮明別立庫房收貯

成化十八年六月初九日礼部為建言民情等事國子監

監生張誠言一件天下龍亭儀仗實乃

朝廷御用之制宜常整飭鮮明安置免當凡過慶

賀張掛得齊倫

駕雖不臨於虛位敬心無怠於湏臾誠為教

上之礼也近年以來各處有司多有廢壞者不知脩飭淡薄者不知

裝彩又不設立庫房收貯却於公廳左右耳房旁側隨處

頓放有因塵垢蔽污或被風雨飄淋又該舉用之時多無壯觀

有失儀範如蒙乞行天下司府衛所州縣今後龍亭儀仗

俱要脩理精嚴裝飭明亮另立潔淨庫房收貯仍金門
子一名常川看守合于上司按臨照數點視以備應用
實為札也會官議得合准所言本部查行未敢擅便會
官奏奉

聖旨是欽此欽遵擬合通行

御前頒曆文武百官領授已有禁例外所言凡過大宴禁約
爭奪一節合照例差糾儀御史鴻臚寺序班及錦衣衛
差撥官校至期巡視本部先行查取該賞官員名數
行光祿寺照數依品級次序文東武西票貼卓上如跪
越班次及不該與宴朦朧入坐者聽糾儀巡視官就便拿
奏其言

賜扇要依期籍給散戴平頭巾通事不用立扇為有理合准所
奏具題奉

聖旨是准擬欽此